



Inatsisartunut Ilaasortaq Jens B. Frederiksen,  
Demokraatit  
/ maani

## § 37 nr. 2013/246 naapertorlugu apeqqummut akissut

Asasara Jens B. Frederiksen

Inatsisartut suleriaasiat naapertorlugu pingasunik apeqquteqarputit.  
Apeqqutit ataasiakkaarlugit ataani akineqarput.

20. december 2013  
Sagsnr. 2013-093172  
Dok. Nr. 1428537

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: [iiknn@nanoq.gl](mailto:iiknn@nanoq.gl)  
[www.nanoq.gl](http://www.nanoq.gl)

*1. Kulturimut Naalakkersuisoqarfiup ulloq 11. november Nunatta Isiginnaartitsivianut saaffiginnissutaa akineqarsimannginnerarlugu Naalakkersuisut oqarnerfik aalajangiusimavaat?*

### **Akissut:**

Mailikkut 11. novembarimeersukkut, 19. novembarimeersukkut aamma 25. novembarimeersukkut Naalakkersuisoqarfiup Nunatta Isiginnaartitsivia allaffigaa piaartumillu ataatsimeeqatigerusullugu, tassani Nunatta Isiginnaartitsiviata Aningaasanut Inatsit 2014 pineqartoq pillugu naapissinnaallugu. Piffissaq ataatsimiiffissatut siunnersuutigineqartoq pillugu naalakkersuisoqarfiup saaffiginnissutaa Nunatta Isiginnaartitsiviata qaqugukkulluunniit akinngilaa, kisiannili naliginnaasumik nalunaaruteqarlutik oqaaseqarlutillu akisarlutik. Ulloq 19. novembari aamma ulloq 25. novembari Naalakkersuisoqarfimmit mailimi Naalakkersuisoqarfik qinnuiviginnippoq Nunatta Isiginnaartitsivia ullormik ataatsimiiffissamik siunnersuuteqarluni akissuteqassasoq. Pisuni marlunni taakkunani Nunatta Isiginnaartitsivia ullormik ataatsimiiffissamik siunnersuuteqarluni akissuteqanngilaq.

Ulloq ataatsimiiffissaq 28. novembari ulluni 15-ini Naalakkersuisoqarfik Nunatta isiginnaartitsivianit piffissamik ataatsimiiffissamik siunnersuummik tigusaqanngereerluni Naalakkersuisoqarfimmit namminermit aalajangiunneqarpoq.

Naalakkersuisut taamaammat isumaqanngillat imarisaanut tunngatillugu arlaleriarluni saaffiginnissutit Nunatta Isiginnaartitsiviata akigai. Nunatta Isiginnaartitsivia taamaalilluni piffissami ulluni 15-ini Naalakkersuisoqarfimik Naalakkersuisunilluunniit oqaloqateqarnissaq qulakkeerniarlugu iliuseqanngilaq, naak tamanna pillugu Naalakkersuisoqarfik arlaleriarluni kaammattuigaluartoq. Pingaartumik tamanna tupigusuutigineqarsinnaavoq, tassa Nunatta Isiginnaartitsivia Naalakkersuisoqarfimik ataatsimeeqateqarnissamik piffissaqanngereerluni, tassani annertunerusumik oqaseqartoqarsinnaalluni ilaatigullu Nunatta Isiginnaartitsisarfanut aningaasaliissutissat allat oqaloqatigiissutigineqarsinnaallutik, pineqartoq pillugu 26. novembari tusagassiutinut nalunaaruteqarmat.

Qulaaniittoq tunngavigalugu Nunatta Isiginnaartitsisarfiata tusagassiuutinut nalunaarutaanut akissuteqarlunga erseqqissaanissara pisariaqartinnikuuara, Naalakkersuisoqarfiup saaffiginnissutai Nunatta Isiginnaartitsisarfiata akinikuunngikai, taamaammallu Naalakkersuisunik oqaloqateqarnikuunani. Tassunga taarsiullugu meeqqanut isiginnaartitsinissat Nunatta Isiginnaartitsiviata tunngavissaqanngivilluni taamaatinniisaat qinerpaa.

Qulaaniittut tunngavigalugit Naalakkersuisut aalajangiusimavaat Nunatta Isiginnaartitsiviata Naalakkersuisoqarfimmik / Naalakkersuisumik naapitsinissap oqaloqatiginnissarlu qulakkeerneqarnissaanut tunngatillugu qisuariarnikuunngitsoq.

Tamassuma kingorna uanga/naalakkersuisoqarfik aamma Nunatta Isiginnaartitsiviata akornanni oqaloqatigiittoqarpoq, isumagalu malillugu Nunatta Isiginnaartitsiviata siunissami periarfissaasa paaseqatigiiissutigineqarnerannik tamanna kinguneqarpoq.

*2. Naalakkersuisut pingaartinnerlugu, Naalakkersuisunut ilaasortat tusagassiuutinut nalunaarutaanni oqallissaarutaannilu tamanut paasissutissiissutigineqartut ilumoortuunissaat?*

**Akissut:**

Naalakkersuisut tusagassiuutinut nalunaartaanni paasissutissiissutigineqartut inuttaasut tatigisinnaavaat.

*3. Qinikkat sulinerannut suleriaasiannullu ilisimasaaqqalaartoq Kulturimut Naalakkersuisoq Naalakkersuisut Siulittaasuata erseqqissaaviginiarnerlugu taanna pisussaasoq eqqortumik oqalussalluni aamma pissusiviusut tunngavigalugit?*

**Akissut:**

Naalakkersuisut Siulittaasuata isumaqarpoq, Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoq eqqortumik pissusiviillu naapertorlugit oqaaseqarnikoq.

Naalakkersuisut Siulittaasuata aammattaq Inatsisartunut ilaasortaq, Jens B. Frederiksen, kaammattorusuppaa oqaaseqaatit tusagassiuutinullu nalunaarutit Naalakkersuisuneersuunngitsut pillugit pissarsivinnik isornartorsiuilluni isiginnittaqqullugu – tassunga ilanngullugit Nunatta Isiginnaartitsiviata tusagassiuutinut nalunaarutai.

Inussiarnersumik inuulluaqqusilluta



Nick Nielsen